

**2004 Rhif (Cy. )**

**LLYWODRAETH LEOL,  
CYMRU**

Rheoliadau Trefniadau  
Gweithrediaeth Awdurdodau Lleol  
(Swyddogaethau a Chyfrifoldebau)  
(Diwygio) (Cymru) 2004

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae Rhan II o Ddeddf Llywodraeth Leol 2000 yn darparu i swyddogaethau awdurdod lleol gael eu cyflawni gan weithrediaeth i'r awdurdod (y mae rhaid iddi fod ar un o'r ffurfiau a bennir yn adran 11(2) i (5) o'r Ddeddf) onid yw'r swyddogaethau hynny i fod yn gyfrifoldeb i weithrediaeth yr awdurdod.

Gwnaeth Cynulliad Cenedlaethol Cymru Reoliadau Trefniadau Gweithrediaeth Awdurdodau Lleol (Swyddogaethau a Chyfrifoldebau) (Cymru) 2001 ("Rheoliadau 2001") a bennodd swyddogaethau nad ydynt i fod yn gyfrifoldeb i weithrediaeth awdurdod neu sydd i fod yn gyfrifoldeb i weithrediaeth o'r fath i raddau cyfyngedig yn unig neu o dan amgylchiadau penodedig yn unig. Mae'r Rheoliadau hyn (yn rheoliad 2) yn gwneud newidiadau i Reoliadau 2001 yn Atodlen 1 drwy ychwanegu at restr y swyddogaethau nad ydynt i fod yn gyfrifoldeb i weithrediaeth awdurdod, drwy ychwanegu at y rhestr o swyddogaethau yn Atodlen 2 a all fod yn gyfrifoldeb i weithrediaeth awdurdod (ond nad oes angen iddynt fod felly) a thrwy ddiwygio Atodlen 3 drwy ychwanegu at swyddogaethau nad ydynt i fod yn gyfrifoldeb i weithrediaeth awdurdod yn unig.

**2004 Rhif (Cy.)**

**LLYWODRAETH LEOL,  
CYMRU**

**Rheoliadau Trefniadau  
Gweithrediaeth Awdurdodau Lleol  
(Swyddogaethau a Chyfrifoldebau)  
(Diwygio) (Cymru) 2004**

*Wedi'u gwneud* 2004

*Yn dod i rym* 24 Tachwedd 2004

Mae Cynulliad Cenedlaethol Cymru yn gwneud y rheoliadau canlynol drwy arfer y pwerau a roddwyd iddo gan adrannau 13, 105 a 106 o Ddeddf Llywodraeth Leol 2000(1).

**Enwi, cychwyn a chymhwyso**

1.—(1) Enw'r Rheoliadau hyn yw Rheoliadau Trefniadau Gweithrediaeth Awdurdodau Lleol (Swyddogaethau a Chyfrifoldebau) (Diwygio) (Cymru) 2004 a deuant i rym ar 24 Tachwedd 2004.

(2) Mae'r Rheoliadau yn gymwys i Gymru yn unig.

**Diwygio Rheoliadau**

2. Diwygir Rheoliadau Trefniadau Gweithrediaeth Awdurdodau Lleol (Swyddogaethau a Chyfrifoldebau) (Diwygio) (Cymru) 2001(2) fel a ganlyn —

- (a) yn rheoliad 2(2)(a)(ii), ar y diwedd yn lle “a” rhodder “neu”;
- (b) yn is-baragraff (9)(a) o reoliad 4 mewnosoder ar y dechrau —

---

(1) 2000 p.22.

(2) O.S. 2001/2291 (Cy.179) fel y'i diwygiwyd gan Reoliadau Trefniadau Gweithrediaeth Awdurdodau Lleol (Swyddogaethau a Chyfrifoldebau) (Diwygio) (Cymru) 2002 O.S. 2002/783 (Cy. 84) a Rheoliadau Trefniadau Gweithrediaeth Awdurdodau Lleol (Swyddogaethau a Chyfrifoldebau) (Diwygio) (Cymru) 2003 O.S. 2003/153 (Cy.23).

“yn ddarostyngedig i'r darpariaethau ynglŷn â chyfrifo sylfaen y dreth gyngor ym mharagraff 22 o Atodlen 2”;

- (c) yn Atodlen 1 (Swyddogaethau nad ydynt i fod yn gyfrifoldeb i weithrediaeth awdurdod) yn unol â Rhan 1 o'r Atodlen i'r Rheoliadau hyn;
- (ch) yn Atodlen 2 (Swyddogaethau a all fod yn gyfrifoldeb i weithrediaeth awdurdod (ond nad oes angen iddynt fod felly) yn unol â Rhan 2 o'r Atodlen i'r Rheoliadau hyn;
- (d) yn Atodlen 3 (Swyddogaethau nad ydynt i fod yn gyfrifoldeb i weithrediaeth awdurdod yn unig) yn unol â Rhan 3 o'r Atodlen i'r Rheoliadau hyn.

Llofnodwyd ar ran y Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(3).

Dyddiad

Llywydd y Cynulliad Cenedlaethol

---

(3) 1998 p.38.

# ATODLEN 1

Rheoliad 2

## Rhan 1

### Diwygiadau i Atodlen 1

1. Yn Rhan B mewnosoder ar ôl paragraff 66:

<b>Y Swyddogaeth</b>	<b>Darpariaeth mewn Deddf neu Offeryn Statudol</b>
67. Swyddogaethau mewn perthynas â sefydlu Pwyllgor Trwyddedu.	Adran 6 o Ddeddf Trwyddedu 2003 (p.17).

2. Yn Rhan I: (1) dileer paragraffau 18, 19; a  
(2) mewnosoder ar ôl paragraff 17:

<b>Swyddogaethau</b>	<b>Darpariaeth mewn Deddf neu Offeryn Statudol</b>
18. Y pwerau mewn perthynas â chofrestru gweithredwyr achub cerbydau modur.	Adrannau 2(3), 3(1), 7(1), 7(3) a 41(2) o Ddeddf Cerbydau (Troseddau) 2001 (p.3) (gweler y Rheoliadau Gweithredwyr Achub Cerbydau Modur, O.S. 2002/1916).
19. Y pŵer i benodi swyddogion at ddibenion penodol (penodi "priod swyddogion").	Adran 270(3) o Ddeddf Llywodraeth Leol 1972.
20. Y ddyletswydd i ddynodi swyddog yn bennaeth gwasanaeth taledig yr awdurdod, ac i ddarparu staff etc.	Adran 4(1) o Ddeddf Llywodraeth Leol a Thai 1989 (p.42).
21. Y ddyletswydd i ddynodi swyddog yn swyddog monitro, ac i ddarparu staff, etc.	Adran 5(1) o Ddeddf Llywodraeth Leol a Thai 1989.
22. Y ddyletswydd i benderfynu terfyn benthycyca fforddadwy.	Adran 3 o Ddeddf Llywodraeth Leol 2003 (p.22).
23. Cymeradwyo strategaeth fuddsoddi flynyddol yn unol â chanllawiau.	Adran 15 o Ddeddf Llywodraeth Leol 2003.
24. Y ddyletswydd i wneud trefniadau ar gyfer gweinyddu materion ariannol yn briodol.	Adran 151 o Ddeddf Llywodraeth Leol 1972 (p.11).

## RHAN 2

### Diwygiadau i Atodlen 2

Ar y diwedd, ychwaneger:

- “**22.** Swyddogaethau ynglŷn â chyfrifo sylfaen y dreth gyngor yn unol ag unrhyw un o'r canlynol —
- (a) penderfynu swm ar gyfer eitem T yn adran 33(1) a 44(1) o Ddeddf Cyllid Llywodraeth Leol 1992;
  - (b) penderfynu swm ar gyfer eitem TP yn adrannau 34(3), 45(3), 48(3) a 48(4) o Ddeddf Cyllid Llywodraeth Leol 1992;
  - (c) penderfynu swm y mae ei angen i benderfynu swm ar gyfer yr eitem a grybwyllwyd ym mharagraff (a) neu (b) uchod.
- 23.** Swyddogaethau trwyddedu yn unol â Rhan 2 o Ddeddf Trwyddedu 2003 ac eithrio adran 6.”

## RHAN 3

### Diwygiadau i Atodlen 3

1. Yng ngholofn (2) o'r paragraff ynglŷn â'r Cynllun Trafnidiaeth Lleol dileer "92" a mewnosoder "108".
2. Dileer y cofnod ynglŷn â'r Cynllun Gwasanaeth Gorfodi Cyfraith Bwyd.
3. Ar y diwedd, ychwaneger:

<b>(1) Cynlluniau a Strategaethau</b>	<b>(2) Cyfeirnod</b>
Y pwerau i gymeradwyo Cynlluniau Strategol Partneriaeth Pobl Ifanc a Phartneriaeth Fframwaith Plant a Phobl Ifanc.	Adrannau 123, 124 a 125 o Ddeddf Dysgu a Medrau 2000.